

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Organismo Autonomoak

### ARABAKO FORU SUHILTZAILEAK

**Lehendakaritzaren 14/2018 Ebazpena, ekainaren 13koa, administrazio bereziaren eskalan, su itzaltze eta salbamendu zerbitzuan, azpieskala operatiboan, suhiltzaile kategorian, karrerako funtzionario sartzeko hautaprobaren oinarriak onartzen dituena**

Diputatuen Kontseiluaren 299/2018 Erabakiak, ekainaren 12koak, Arabako Foru Suhiltzaileak Erakunde Autonomoaren 2018rako Lan Eskaintza Publikoa onartu zuen, dagozkion hautaketa-prozesuen bidez bete beharreko lanpostuena.

Beraz, hautaketa-prozesu horren oinarriak onetsi dira, eta deialdi batean bildu dira eskaintako suhiltzaile lanpostu huts guztiak.

Uztailaren 13ko 8/2016 Foru Arauaren bidez onartutako Arabako Foru Suhiltzaileak Erakunde Autonomoaren estatutuen 15. artikularekin bat etorritik, eta Administrazio Kontseiluari entzunda, honako hau

#### EBAZTEN DUT

Lehena. Arabako Foru Suhiltzaileak Erakunde Autonomoaren administrazio bereziaren eskalan, su itzaltze eta salbamendu zerbitzuan, azpieskala operatiboan, suhiltzaile kategorian, karrerako funtzionario sartzeko hautaprobaren oinarriak onartzea, eranskin gisa ageri direnak.

Bigarrena. Erabaki hau eta eranskin gisa ageri diren oinarriak ALHAOn argitaratzea.

Hirugarrena. Ebazpen honek administrazio-bidea agortzen du, eta beronen aurka administrazioarekiko auzi-errekurtsoa jarri ahal izango da, hau argitaratzen den egunaren biharamunean hasita bi hilabeteko epean, Administrazio Auzietarako Gasteizko epaitegietan, edo, aukeran, berraztertze errekurtsoa, ebazpen hau onetsi duen organo berari zuzenduta, hilabeteko epean, Administrazioarekiko Auzietarako Jurisdikzioa arautzen duen uztailaren 13ko 29/1998 Legearen 46.1 artikuluan eta Herri Administrazioen Administrazio Prozedura Erkidearen urriaren 1eko 39/2015 Legearen 122 artikuluan aurreikusitakoarekin bat etorritik.

Vitoria-Gasteizen, 2018ko ekainaren 13an

*Arabako Foru Suhiltzaileak Erakunde Autonomoaren presidentea*  
**MARÍA PILAR GARCÍA DE SALAZAR OLANO**



Arabako Foru Aldundia  
Diputación Foral de Álava

Arabako Foru Suhiltzaileak Erakunde  
Autonomoa

Organismo Autónomo Bomberos  
Forales de Álava

Presidentetza  
Presidencia

**ARABAKO FORU SUHILTZAILEAK ERAKUNDE AUTONOMOAREN ADMINISTRAZIO BEREZIAREN ESKALAN, SU ITZALTZE ETA SALBAMENDU ZERBITZUAN, AZPIESKALA OPERATIBOAN, SUHILTZAILE KATEGORIAN, KARRERAKO FUNTZIONARIO SARTZEKO HAUTAPROBEN OINARRIAK.**

**1.- DEIALDIAREN XEDEA.**

**1.1.-** Oinarri hauen xedea da Arabako Foru Suhiltzaileak Erakunde Autonomoaren (aurrerantzean, Erakunde Autonomoa) su itzaltze eta salbamendu zerbitzuan, azpieskala operatiboan, suhiltzaile kategorian, karrerako funtzionario sartzeko hautaprobek arauak ezartzea.

**1.2.-** Hautapropa hauen xedea da hutsik dauden hemezortzi (18) suhiltzaile lanpostu betetzea (sailkapeneko C-2 taldea).

Deialdi honetako lanpostu hutsekin lotutako lanpostuen banaketa:

Kodea	Lanpostua	Destinoa	Hizkuntz eskakizuna	Derrigortasuna	Lanpostu kopurua
P1	Suhiltzaile-gidaria	Campezo/Kanpezu	II	EZ	5
P2	Suhiltzaile-gidaria	Campezo/Kanpezu	II	BAI	4
P3	Suhiltzaile-gidaria	Agurain/Salvatierra	II	EZ	5
P4	Suhiltzaile-gidaria	Agurain/Salvatierra	II	BAI	4

**1.3.-** Ezingo dira deialdi honetako lanpostu hutsei dagozkienak baino pertsona gehiago izendatu karrerako funtzionario.

**1.4.-** Nolanahi ere, deialdi honen bidez egiten den eskaintzan jasotako lanpostuen kopurua handitu egin ahal izango da —lege mugak aintzat hartuko— hautatze prozesuak dirauen bitartean beste lanposturik hutsik geratuz gero, barne sustapena, erretiroa, heriotza nahiz lanpostua gordetzeko eskubiderik gabeko lan-utzialdia dela medio, edo lanpostu berriak sortzen badira lanpostuen zerrendan, deialdikoek berdinak diren lanpostuak finkatzearen ondorioz. Epaimahai Kalifikatzailearen eskariz Giza Baliabide eta Administrazio Kudeaketa Sailak lanpostu hutsei buruzko txostena egiten duen eguna izango da lanpostuen kopurua handitzeko epemuga.



**1.5.-** Derrigorrezko hizkuntz eskakizuna duten lanpostu hutsetarako izangaiak ez dira hautatutzat joko ez badute hizkuntz eskakizuna deialdi honetako 10. oinarrian aurreikusitako moduan egiaztatzen.

## **2.- IZANGAIEK BETE BEHARREKO BALDINTZA EDO ESKAKIZUNAK.**

**2.1.-** Onartuak izateko eta hautaprobetan parte hartzeko, ondorengo eskakizunak bete behar dituzte izangaiek:

a) Europar Batasuneko estaturen bateko naziotasuna izatea, edo Europar Batasunak izenpetu eta Espainiako estatuak berretsitako nazioarteko Itunen aplikazioaren indarrez, langileen zirkulazio askea aplikagarri zaion estatu batekoa. Halaber, parte har dezakete Europar Batasuneko kide diren estatuak naziotasuna duten nazionalen ezkontideek, betiere, ez badaude auzi-bidez berezita edo bananduta, bai eta euren eta ezkontidearen ondorengoek ere, betiere, bikotekideak auzi-bidez bananduta ez badaude, ondorengoak 21 urtez beherakoak zein adin horretatik gorako menpekoak ez badira.

b) Hamasei urte (16) beteta izatea eta derrigorrezko erretiroa hartzeko adinera iritsi gabea izatea.

c) Baztertua ez izana diziplina-espedita bidez inolako administrazio publiko eta Autonomia Erkidegoetako estatu- edota konstituzio-organoen zerbitzuetatik, ezta auzitegi ebazpen edo epai bidez erabateko edo berariazko gaitasun gabetuta egotea ere kargu publiko edo enpleguetarako, funtzionarioen kidego edo eskalatan sartzeko. Beste Estatu batekoa izanez gero, ez izatea diziplina-zehapenen menpeko edo, berari dagokion Estatuan, enplegu publikorako sarbidea ukatzen dion zigor-kondenarik ez izatea.

d) Derrigorrezko Bigarren Hezkuntza, Eskola Graduatua, Lehen Mailako Lanbide Heziketa edo indarrean dagoen legediak baliokidetzat jotako beste edozein titulu izatea.

Atzerriko titulazioen kasuan, horien homologazioa egiaztatzen duen kredentziala eduki behar da.

e) Gidabaimena. Izangaiek C+E gidabaimena edukitzea.

f) Suhiltzaile lanak betetzeko gaitasun funtzionala edukitzea, oinarri hauen I. eranskinean jasotako salbuespen-taularen arabera. Gaitasun funtzionala praktiketako funtzionario izendatu baino lehen egingo diren proba kliniko eta analitikoaren bidez egiaztatuko da.

g) Deialdiko postuen hizkuntz eskakizuna (euskara). Hizkuntz eskakizunaren derrigortasun data igarota duten lanpostuetarako, horien eskuratzeko eta egiaztatze data oinarri hauen 10. Atalean ezarritakoa izango da gehienez ere.



h) Arabako Foru Suhiltzaileak Erakunde Autonomoko langileak hautatzeko deialdietako izen-emate tasa ordaindu izana, izen-ematearekin batera aurkeztutako ordaintze-aginduaren bidez.

Ez dute tasa hori ordaindu beharrik izango, eskaria aurkezten duten uanean baldintza hauek betetzen dituztenek:

- Ehuneko 33ko ezintasuna edo altuagoa dutela frogatzen duten pertsonek.
- Arabako Foru Aldundira sartzeko hautapoben deialdiaren data baino gutxienez hilabete lehenagoko epean enplegu eskatzaile gisa agertzen diren pertsonek.

Ezin dute salbuespen hori aplikatu “enplegu hobekuntzaren” eskatzaile gisa agertzen direnek eta enplegu eskatzaile gisa prestazio ekonomikoak jasotzen dituzten pertsonek.

Salbuespen-irizpideak betez gero, eskatzen zaienean egiaztatatu beharko dute hori.

**2.2.-** Arestiko eskakizun guztiak eskabideak aurkezteko epea amaitzen den egunerako eduki beharko dira, eta hautaprobek irauan bitartean mantendu, karrerako funtzionario lanpostuan hasi arte, oinarri hauetan hizkuntz eskakizunen egiaztatzeari dagokionez araututakoa izan ezik.

### **3.- ESKAEREN AURKEZPENA.**

**3.1.-** Hautaketa-prozesuan parte hartu nahi duten pertsonek hogeit hamar egun naturaleko epean aurkeztuko dituzte eskaerak, iragarkia Estatuko Aldizkari Ofizialean argitaratu eta hurrengo egunetik aurrera.

**3.2.-** Eskaerak eredu ofizial eta normalizatuan aurkeztuko dira, Arkautiko Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian.

**3.3.-** Onartuak izateko eta hautapoban parte hartzeko, izangaiek ondorengo hauek adierazi beharko dituzte:

a) Eskakizunak aurkezteko epearen amaierarako eskakizun guztiak eta bakoitza betetzen dituztela adierazi beharko dute.

b) Eskaera-orriaren atal guztiak bete beharko dituzte. Horretarako, izangaiek ondorengo hauek adieraziko dituzte dagozkien ataletan:

- 1.- Eskatutako datu pertsonalak.
- 2.- Oposizio faseko ariketak edo probak zein hizkuntza ofizialetan, euskaraz edo gaztelaniaz, egin nahi dituzten.



3.- Hizkuntza eskakizunak egiaztatzeko egin nahi dituzten probak.

4.- Oposizio aldiko hirugarren ariketa egiteko aukera.

c) Dagokion tasa ordaindu izana, edo, hala badagokio, salbuespena egiaztatu izana.

**3.4.-** Datu pertsonalak babesteko araudia betetzeko, hautaketa-prozesua kudeatzeko jasotako datuak Erakunde Autonomoak kudeatutako “2018ko Enplegu Eskaintza Publikoa” izeneko fitxategi batean sartuko dira, eta datu horietan sartzeko, datuok zuzentzeko, ezeztatzeko eta horiei aurka egiteko eskubideak egikaritu ahalko dira, Vitoria-Gasteizko Probintzia plazako 5. zenbakiko 2. solairuan.

Izangaiek berariaz onartzen dute euren datu pertsonalak oinarri hauetan adierazitako xedearekin eta moduan erabiltzea. Publikotasun printzipioaren menpe daude hautatze prozesuak; beraz, lehiakideak bere datuak baliatzea ontzat eman ezean, ez da haren eskabidea onartuko.

#### **4.- IZANGAIAK ONARTZEA.**

**4.1.-** Behin eskaerak aurkezteko epea amaituta, Erakunde Autonomoko Administrazio Batzordeko presidentek (aurrerantzean, Administrazio Batzordeko presidentea) agindu bat emango du, zeinaren bidez onartuko baitira onartuen eta baztertuen behin-behineko zerrendak, eta ALHAOn eta Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian argitaratuko dira.

Zerrenda osoa argitaratuko da web orri horretan, baztertuen kasuan horretarako arrazoiarekin, eta ariketak Euskal Autonomia Erkidegoko zein hizkuntza ofizialetan egin nahi diren, eta hizkuntza eskakizunak egiaztatzeko proba eta oposizioko hirugarren ariketa egiteko hautu egin den ere agertuko dira.

**4.2.-** Baztertuek edo argitaratutako datuetan okerren bat hautematen dutenek hamar egun baliodun izango dituzte, zerrendak argitaratzen direnetik aurrera, erreklamazioak aurkezteko eta, hala badagokio, egin ahal izan diren okerrak zuzentzeko eskatzeko.

Erreklamazioak egiteko epea amaitu ostean, Administrazio Batzordeko presidentek beste foru agindu bat emango du, zeinaren bidez onartuko baitira onartuen eta baztertuen behin betiko zerrendak, behin-behineko zerrendetan jasotako datu bereberekin, eta Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian argitaratuko dira.

Oposizio faseko probak egiten diren egunean oraindik ebatzi gabe badaude behin betiko zerrendak onartzeko foru aginduan prozesutik baztertuta agertu ziren izangaiek aurkeztutako errekurtsioak, eragindako pertsonen proba horiek egin ahal izango dituzte, baina ez dute baliorik izango errekurtsio horiek ezesten badira.



Edonola ere, interesdunek hautaprobetarako eskatzen diren betekizunak betetzen dituztela aitortzeko baldintza da haiek egiaztatzea, oinarri hauen arabera aurkeztu behar diren agiriak aurkeztuta. Agirien bidez betekizunak egiaztatu ezean, interesdunak galdu egingo ditu hautaprobaren parte hartzeak ekar ditzakeen eskubide guztiak.

## **5.- EPAIMAHAI KALIFIKATZAILEA**

**5.1.-** Administrazio Batzordeko presidentek izendatuko ditu hautaprobak kalifikatuko dituen epaimahaiko kideak. Izendapen edo hautaketa politikoko langileek, behin-behineko funtzionarioek eta aldi baterako langileek ezin izango dute parte hartu hautaketa organoetan.

Izendapenak ALHAOn eta Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian argitaratuko dira, onartutako eta baztertutako pertsonen behin betiko zerrendekin batera.

**5.2.-** Epaimahaiaren osaera orekatua izango da, sexu bakoitzak gutxienez ehuneko 40ko ordezkari izanik, nola eta ez den behar bezala justifikatzen hala ez dagokiola.

Epaimahaia osatzean errespetatu egingo da espezialitatearen printzipioa, zeinaren arabera epaimahai bakoitzeko kideen erdiek, gutxienez, sartzeko eskatzen den jakintza arlo bereko titulu bat izan behar baitute, eta guztiak ikasketak maila bereko edo goragoko titulu bat.

**5.3.-** Epaimahaiak lehendakari bat eta lau kide izango ditu, bakoitza bere ordekoarekin. Kideetako bat idazkari izendatuko da.

Epaimahaiko kide izatea norberaren izenean izango da beti, eta inola ere ez beste inoren ordezkari gisa edo beste inoren kontura.

**5.4.-** Herri Arduralaritzaren Euskal Erakundearen ordezkari bat epaimahai kalifikatzaileko kide izango da, baina soilik eskatzen diren hizkuntza eskakizunak egiaztatzeko probak egin eta ebaluatzeko.

**5.5.-** Hala komeni dela baderitzo, aholkulari espezialisten laguntza edukiko du Epaimahaiak. Aholkulari horiek, organo kalifikatzaileari laguntzean, beren espezialitate teknikoetara mugatuko dira.

**5.6.-** Epaimahaikideek ez dute egiteko horretan jardungo, baldin eta urriaren 1eko 40/2015 Legeak, Sektore Publikoaren Araubide Juridikoarenak, 23. artikuluan aipatutako egoeraren batean badaude, eta horren berri eman beharko diote Administrazio Batzordeko presidenteari.

Era berean, aurreko paragrafoan adierazitako egoeraren bat gertatzen bada, izangaiek epaimahaikideak errefusatu ahal izango dituzte, edozein unetan, aipatutako lege testuaren 24. artikuluan ezarritakoarekin bat etorritik.



**5.7.-** Epaimahaia oinarri hauetara lotuta geratzen da, hautaketa-prozesuaren faseen balorazioari dagokionez.

**5.8.-** Epaimahaia, beren jardunean, urriaren 1eko 40/2015 Legeak, sektore publikoaren araubide juridikoarenak, 15. artikuluan eta hurrengoetan ezarritako arauetara lotuko da. Edonola ere, hautaprobak hasi aurretik bilduko da, lehendakariaren aginduz idazkariak bilera deia eginda, eta, behar bezala eratzeko, lehendakaria eta idazkaria, edo horien ordezkioak, eta kideen erdiak bildu behar dira, gutxienez.

Erabakiak bertaratu diren botoen gehiengoz hartuko dira. Berdinketak lehendakariaren kalitate botoaren bidez ebatziko dira.

Lehendakariak eta bere ordezkorik ez badago, kanpoan edo gaixorik badago, edo legezko beste arrazoiren bat badago, maila, antzintasun eta adin handiena duen epaimahaikideak ordeztuko du, betiere ordena horretan.

Idazkaririk eta bere ordezkorik ez badago, kanpoan edo gaixorik badago, edo legezko beste arrazoiren bat badago, epaimahaiak gehiengoz erabakitzen duen kideak ordeztuko du.

**5.9.-** Epaimahaiak autonomia funtzional osoz jardungo du, prozeduraren legezotasuna zainduko du, eta haren objektibotasuna bermatuko du.

Epaimahaiak dagozkion neurriak hartuko ditu oposizio aldiko ariketa idatzien edukiaren konfidentzialtasuna bermatzeko eta izangaien nortasuna jakin gabe zuzentzeko.

Zuzenketa mekanizatua ez duten ariketetan, Epaimahaiak baztertu egingo ditu izangaiak, baldin eta ariketa idatzietan beren nortasuna jakiteko aukera ematen duen marka edo zeinurik badago.

Epaimahai Kalifikatzaileak gaitasuna edukiko du edozein probaren garapen normala eragozten duen edo berdintasun, merezimendu eta gaitasun printzipioen arabera kompetentzia desleiala eragiten duen edozein izangai baztertzeko. Epaimahaiko presidentek berehala emango dio halako jardueren berri Administrazio Batzordeko presidenteari, eta ekitaldiaren aktan jasoko ditu gorabehera horiek.

Era berean, hautaprobetan ez da onartuko berdintasun, merezimendu eta gaitasun printzipioak urra ditzakeen gailu edo baliabide teknologikorik.

Izangaien batek arau horiek urratuz gero, berehala baztertuko da probatik zein hautaketa-prozesutik, eta, hortaz, baita osa litekeen lan-poltsatik ere.



**5.10.-** Hautaketa-prozesuaren edozein unetan Epaimahaiak jakiten badu izangaien batek ez dituela deialdiaren eskakizunak betetzen, izangaia baztertzeko proposatuko dio Administrazio Batzordeko presidenteari, izangaia egindako okerren nahiz faltsutasunen berri emanik, betiere alde aurretik interesdunari entzun ondoren.

**5.11.-** Epaimahaiak oinarri hauen aplikazioan sortzen diren zalantzak ebatziko ditu, eta behar diren erabakiak hartuko ditu deialdia era egokian gauzatzeko, oinarrietan aurreikusi gabeko kasuetan hartu beharreko irizpideak ezarrita.

**5.12.-** Epaimahai Kalifikatzaileari egin beharreko erreklamazioak edo beste edozein komunikazio tribunaldebomberos@araba.eus helbide elektronikora bidaliko dira.

#### **6.- DEIALDIAK, JAKINARAZPENAK ETA INFORMAZIOA.**

**6.1.-** Hautaprobak ez dira hasiko deialdiaren oinarriak ALHAOn argitaratu eta bi hilabete baino lehen.

**6.2.-** Oposizio aldiko lehen ariketaren eguna, lekua eta ordua onartu eta baztertuen behin-behineko zerrendak onartzen dituen ebazpenean adieraziko dira, zeina ALHAOn eta Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian argitaratuko baita.

Hautaketa-prozesuaren ondoriozko gainerako komunikazio eta jakinarazpen guztiak Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian argitaratuko dira.

Argitalpen guztietan adieraziko da horren data, eta hurrengo egunetik kontatuko dira dagozkion erreklamazioak eta errekursoak ezartzeko epeak.

#### **7.- SARTZEKO SISTEMA ETA HAUTAKETA PROZESUA.**

Deialdi hau oposizio librekoa da, hautaketa-prozesua oposizio-lehiaketako sistemaren bidez egingo da, eta prestakuntza eta praktika aldi bat ere egongo da, nahitaezkoa eta baztertzalea, hautaketa-prozesuaren beste fase baten gisa.

#### **8.- OPOSIZIO FASEA.**

Oposizio fasean ondorengo ariketa hauek egin beharko dira:

**8.1.- Lehen ariketa:** Hiru proba izango dira, nahitaezkoak eta baztertzaleak guztiak ere.

**8.1.1.- Proba orokorra.** Test moduko ariketa bat izango da. Galdera bakoitzean lau erantzun proposatuko dira, eta bakarra izango da erantzun zuzena. Galderak oinarri hauetako gai orokorrei buruzkoak izango dira (II.





Eranskina). Erantzun oker bakoitzeko, galdera bakoitzari esleitutako puntuazioaren herena kenduko da. Erantzun gabeko galderengatik ez da punturik kenduko.

Ariketari 0-24 puntu emango zaizkio. Ariketa gainditzeko, 12 puntu lortu beharko dira gutxienez.

Hautaketa-prozesua taxuz egiteko, Epaimahaiak gaitasuna edukiko du proba gainditzeko behar den amaierako gutxieneko puntuazioa (12 puntu) lortzeko behar den gutxieneko zuzeneko puntuazioa zehazteko, izangaien nortasuna jakin baino lehen.

Izangaien zuzeneko puntuazioa lortzeko, honako formula hau aplikatuko da: Zuzeneko puntuazioa jakiteko, ondo erantzundako galdera-kopuruari gaizki erantzundako galderen herena kenduko zaio ( $P = O - G/3$ ).

Epaimahaiak amaierako gutxieneko puntuazioa (12 puntu) lortzeko behar den zuzeneko puntuazioa zehaztu ondoren, izangaiek lortutako zuzeneko puntuazioak amaierako puntuazio bihurtuko dira, banaketa proportzionalaren arabera; hala, amaierako 24 puntuko puntuazioa izango da gehienez lortu ahalko den zuzeneko puntuazioa.

Amaieran 12 puntu lortzen ez dituzten izangaiek baztertuta geratuko dira.

**8.1.2.- Geografiako proba:** Test moduko ariketa bat izango da. Galdera bakoitzean lau erantzun proposatuko dira, eta bakarra izango da erantzun zuzena. Galderak oinarri hauetako gai espezifikoetara buruzkoak izango dira (III. Eranskina). Erantzun oker bakoitzeko, galdera bakoitzari esleitutako puntuazioaren herena kenduko da. Erantzun gabeko galderengatik ez da punturik kenduko.

Ariketari 0-33 puntu emango zaizkio. Eta ariketa gainditzeko 16,5 puntu lortu beharko dira gutxienez.

Hautaketa-prozesua taxuz egiteko, Epaimahaiak gaitasuna edukiko du proba gainditzeko behar den amaierako gutxieneko puntuazioa (16,5 puntu) lortzeko behar den gutxieneko zuzeneko puntuazioa zehazteko, izangaien nortasuna jakin baino lehen.

Izangaien zuzeneko puntuazioa lortzeko, honako formula hau aplikatuko da: ondo erantzundako galdera-kopuruari gaizki erantzundako galderen herena kenduko zaio ( $P = O - G/3$ ).

Epaimahaiak amaierako gutxieneko puntuazioa (16,5 puntu) lortzeko behar den gutxieneko zuzeneko puntuazioa zehaztu ondoren, izangaiek lortutako zuzeneko puntuazioak amaierako puntuazio bihurtuko dira, banaketa proportzionalaren arabera; hala, amaierako 33 puntuko puntuazioa izango da gehienez lortu ahalko den zuzeneko puntuazioa.



Amaieran 16,5 puntu lortzen ez dituzten izangaiaak baztertuta geratuko dira.

**8.1.3.- Proba espezifiko:** Test moduko ariketa bat izango da. Galdera bakoitzean lau erantzun proposatuko dira, eta bakarra izango da erantzun zuzena. Galderak oinarri hauetako gai espezifikoetarako buruzkoak izango dira (IV. Eranskina). Erantzun oker bakoitzeko, galdera bakoitzari esleitutako puntuazioaren herena kenduko da. Erantzun gabeko galderengatik ez da punturik kenduko.

Ariketari 0-33 puntu emango zaizkio. Eta ariketa gainditzeko 16,5 puntu lortu beharko dira gutxienez.

Hautaketa-prozesua taxuz egiteko, Epaimahaiak gaitasuna edukiko du proba gainditzeko behar den amaierako gutxieneko puntuazioa (16,5 puntu) lortzeko behar den gutxieneko zuzeneko puntuazioa zehazteko, izangaien notatasuna jakin baino lehen.

Izangaien zuzeneko puntuazioa lortzeko, honako formula hau aplikatuko da: ondo erantzundako galderakopuruari gaizki erantzundako galderen herena kenduko zaio ( $P = O - G/3$ ).

Epaimahaiak amaierako gutxieneko puntuazioa (16,5 puntu) lortzeko behar den gutxieneko zuzeneko puntuazioa zehaztu ondoren, izangaiek lortutako zuzeneko puntuazioak amaierako puntuazio bihurtuko dira, banaketa proportzionalaren arabera; hala, amaierako 33 puntuko puntuazioa izango da gehienez lortu ahalko den zuzeneko puntuazioa.

Amaieran 16,5 puntu lortzen ez dituzten izangaiaak baztertuta geratuko dira.

**8.1.4.-** Lehen ariketako probak egun berean izan ahalko dira, Epaimahai Kalifikatzaileak hala erabakiz gero, proba horietako bakoitzaren izaera baztertzailaren kaltetan gabe. Beraz, proba horietakoren bat ez gainditzeak izangaia hautaketa-prozesutik kanpo geratzea ekarriko du.

**8.2.- Bigarren ariketa:** Gaitasun fisikoa egiaztatzeko izango da, eta oinarri hauen IV. Eranskinean zehaztutako proba baztertzailak egin beharko dira.

Gaitasun fisikoa egiaztatzeko probetara aurkezte hutsagatik, izangaiek euren gain hartuko dute euren integritate fisikoaren gaineko erantzukizuna, euren erabaki pertsonalei dagokienez, eta Erakunde Autonomoa eta Epaimahai Kalifikatzailea salbuetsita geratuko dira proba horietan eduki lezaketan edozein lesioren erantzukizunetik.

Epaimahai Kalifikatzaileak estimulatzaileen kontsumoa edo beste edozein dopaje mota atzemateko probak egin ahalko dizkie ausaz izangaiei, 2016ko abenduaren 30eko Ebazpenean (BOEren 6. zk., 2017ko urtarrilaren 7koa) jasotako Goi Mailako Kirol Batzordearen arauen arabera, eta emaitza positiboa ematen duten izangaiaak hautaketa-prozesutik kanpo geratuko dira.



Bigarren ariketaren kalifikazioa “Gai” edo “Ez gai” izango da. Ariketa osatzen duten proba fisiko guztietan eta bakoitzean “gai” kalifikazioa lortzen ez duten izangaiaak baztertuta geratuko dira.

**8.3.- Hirugarren ariketa:** kamioi bat gidatu beharko da; Epaimahai Kalifikatzaileak proba baino hamabost egun lehenago argitaratuko du probaren edukia Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian.

Ariketa hau borondatezkoa eta ez-baztertzaileria izango da, eta gehienez ere 10 puntu lortu ahalko dira.

Ariketa hau egin nahi duten izangaiek hala jakinarazi beharko dute hautaketa-prozesuan parte hartzeko eskaeran, eta C+E gidabaimena eraman beharko dute probarako deia egiten zaienean.

**8.4.-** Izangaiei deialdi bakarra egingo zaie ariketa bakoitzerako. Epaimahaiak nahitaezko proba eta ariketa baztertzailerarako eguna, ordua eta lekua adieraziz egindako deiarri kasu egiten ez dioten izangaiaak automatikoki geratuko dira hautaketa-prozesutik kanpo, baita pisuzko arrazoiengatik aurkezten ez direnak ere.

Arau hori bera aplikatuko zaie edozein ariketa nahitaezko eta baztertzaileria hasi ondoren sartzen diren izangaiei. Nahitaezko probek ariketa bat baino gehiago badute, horietako edozeinetara ez agertzea edo berandu agertzea nahikoa izango da ez dela agertu jotzeko.

Ez dela agertu joko da, baita ere, borondatezko probetara ez agertzea edo berandu agertzea.

**8.5.-** Izangairen batek ezin baditu deialdiaren bigarren ariketan aurreikusitako gaitasun fisikoko probak eta gidatze-proba egin, haurdunaldiaren arriskua edo haurraz erditu izana behar bezala egiaztatuta izanagatik, izangai horren egoera hautaketa-prozesuaren amaierara eta probak gaintzera baldintzatuta geratuko da, baina probak ezingo dira atzeratu gainerako izangaiek arrazoizko denbora batera egokitutako hautaketa-prozesuaren ebazpenerako dituzten eskubideak gutxiensten badira, Epaimahai Kalifikatzaileak baloratu beharko duelarik hori. Nolanahi ere, hautaketa prozesua gaintu dutenen behin-behineko zerrenda argitaratu baino lehen egin beharko dira proba horiek.

Horretarako, zerrenda hori argitaratu baino lehen, dei espezifikoa egingo zaie probak egiteko egoera horretan dauden izangaiei, probak egiteko, eta horretarako aurreikusitako egunean ezin badituzte egin, kausa zehinahi dela ere, probetarako eskubide guztiak galduko dituzte. Gidatze-proba deialdi orokorrean egindakoaren desberdina izan ahalko da.

Epaimahai Kalifikatzaileak beharrezko neurriak hartu ahalko ditu idatzizko probak egin ahal izateko, haurdunaldi arriskutsu edo haurraz erditze kasuan, horiek behar bezala egiaztatuta, baldin eta proba horiek ezin badira egin deialdi orokorrerako aurreikusitako egun, leku eta orduan.



**8.6.-** Izangaiek NAN, pasaporte, gidabaimena edo, atzerritarrak badira, horien pareko agiriren bat eraman beharko dute probetara, eta bere nortasuna arestian adierazitako moduan egiaztatzeko modurik ez duen izangaia probetatik kanpo geratuko da.

**8.7.-** Ariketa baten behin betiko emaitzak argitaratzen direnetik hurrengo ariketara, 72 orduko tartea egongo da gutxienez, eta 45 egun naturalekoa, gehienez.

**8.8.-** Aldi berean egin ezin daitezkeen ariketen jarduera-ordena Estatuko Administrazio Orokorrean diharduten langileen sarbiderako, lanpostuen hornikuntzarako eta administrazio bereko funtzionario zibilen lanbide sustapenerako arautegi orokorra onartzen duen martxoaren 10eko 364/1995 Errege Dekretuaren 17. artikulua aipatutako zozketaren arabera ezarriko da.

Zozketa horretan ateratako letratik hasten den lehen abizena duen izangairik ez badago, hurrengoaren arabera izango da jarduera-ordena.

**8.9.-** Ariketa bakoitzaren behin-behineko emaitzak argitaratu ondoren, izangaiek 5 egun baliodun izango dituzte izangaiek Epaimahai Kalifikatzaileari egoki jotzen dituzten erreklamazioak aurkezteko.

Erreklamazioak egiteko epea amaitu eta, halakorik badago, aurkeztu direnak ebatzi ostean, Epaimahaiak ariketa bakoitzaren behin betiko emaitzak argitaratzeko agindua emango du.

Izangaiek horretarako epearen barruan aurkezten dituzten berrikuste eta erreklamazio eskabide oro erantzuntzat joko dira, Epaimahai Kalifikatzaileak ariketetako bakoitzaren behin betiko emaitzak onesteko erabakia hartzen duelarik.

## **9.- LEHIAKETA FASEA.**

**9.1.-** Oposizio fasea gainditu duten izangaiek hautaketa prozesuan parte hartzeko eskaeran alegatu dituzten merezimenduak aztertu eta balioztatzeko izango da. Balorazioa egiteko, merezimendu bakoitzari dagokion puntuak esleituko zaizkio, deialdian zehaztutako baremoaren arabera. Lehiaketa fasea ez da baztertzaila izango, eta bertan eskuratutako puntuak ez dira aintzat hartuko oposizio faseko probak gainditzeko.

Euskara meritua gisa baloratzeko prozedura ondorengo 10. atalean ezarritako moduan egingo da.

Euskara ez diren meritua baloratzeko, hamar egun balioduneko epea ezarriko da oposizio faseko nahitaezko azken ariketa baztertzailaren behin betiko emaitzen argitalpenean, hautaketa prozesuan baloratu beharreko meritua alegatu eta egiaztatzeko, euskararen alegazio, egiaztatze eta balorazioari dagokiona, hurrengo atalean araututakoa, salbuetsita.



Merezimenduak egiaztatzeko agiriak jatorrizkoak edo fotokopia konpultsatuak izango dira, eta fotokopia konpultsatuek informazio hau eduki beharko dute baliozkoak izateko: data, eta konpultsaren arduradunaren izen-abizenak, NANA eta sinadura irakurgarria.

Aurkezteko epealdiaren barruan behar bezala alegatzen eta egiaztatzen ez diren merezimenduak ezin izango dira baloratu. Nolanahi ere, Epaimahai Kalifikatzaileak egoki deritzon dokumentazio gehigarria aurkezteko eskatu ahal izango die izangaiei, alegatutako eta egiaztatutako eskarmentua merezimenduen baremoaren eskakizunekin bat datorren zehazteko.

Erakunde Autonomoan egindako zerbitzuak eskabidean alegatu beharko dira, nahiz eta interesdunek ez dituzten egiaztatu beharko. Ofizioz konputatuko dira.

Gainerako herri administrazioetan egindako zerbitzuen denbora abenduaren 26ko 70/1978 Legearen I. eranskineko ereduan egiaztatuko da. Edozein kasutan, desglosatu egingo dira, aldi bakoitzari dagozkion eskala, azpieskala, taldea eta maila zehaztuz.

**9.2.-** Herri administrazioetako esperientzia profesionala 25 punturekin baloratuko da gehienez ere, kontzeptu guztiengatik, ondorengo baremo honen arabera:

a) Toki, foru edo erkidegoko administrazioan, administrazio horietako edo horien mendeko erakundeetan, sektore publikoaren araubide juridikoaren urriaren 1eko 40/2015 Legearen 2.3 artikulua arabera herri administrazio direnetan, karrerako funtzionario zein bitarteko edo lan-kontratudun gisa, suhiltzaile edo kabo (edo pareko izeneko) talde, eskala, azpieskala, klase edo kategorian, Prebentzio, Su Itzaltze eta Salbamendu Zerbitzuetan egindako zerbitzuak, erakunde horiek halakotzat jo diren aldian.

Zerbitzu horiek 25 punturekin baloratuko da gehienez ere, 0,0115 puntu egun oso bakoitzeko.

Euskal Autonomia Erkidegoko foru eta toki administrazioan egindako zerbitzuak baliokide joko dira, uztailaren 30eko 208/1990 Dekretuak, euskal administrazio publikoetako kidego eta eskalen arteko baliokidetzak finkatzen duenak, ezarritako moduan, eta otsailaren 25eko 1/2004 Legeak, Euskal Autonomia Erkidegoko Administrazio Orokorreko eta haren erakunde autonomoetako kidegoak eta eskalak antolatzeak, xedatutakoaren kalterik gabe.

b) Toki, foru edo erkidegoko administrazioan, administrazio horietako edo horien mendeko erakundeetan, sektore publikoaren araubide juridikoaren urriaren 1eko 40/2015 Legearen 2.3 artikulua arabera herri administrazio direnetan, karrerako funtzionario zein bitarteko edo lan-kontratudun gisa, basoetako suteak itzaltzeko langileen talde, eskala, azpieskala, klase edo kategorian, Prebentzio, Su Itzaltze eta Salbamendu Zerbitzuetan egindako zerbitzuak, erakunde horiek halakotzat jo diren aldian.



Zerbitzu horiek 9 punturekin baloratuko da gehienez ere, 0,0040 puntu egun oso bakoitzeko.

Euskal Autonomia Erkidegoko foru eta toki administrazioan egindako zerbitzuak baliokide joko dira, uztailaren 30eko 208/1990 Dekretuak, euskal administrazio publikoetako kidego eta eskalen arteko baliokidetza finkatzen duenak, ezarritako moduan, eta otsailaren 25eko 1/2004 Legeak, Euskal Autonomia Erkidegoko Administrazio Orokorreko eta haren erakunde autonomoetako kidegoak eta eskalak antolatzeak, xedatutakoaren kalterik gabe.

c) Toki, foru edo erkidegoko administrazioan, administrazio horietako edo horien mendeko erakundeetan, sektore publikoaren araubide juridikoaren urriaren 1eko 40/2015 Legearen 2.3 artikulua araberako herri administrazio diren, karrerako funtzionario zein bitarteko edo lan-kontratadun gisa, aireportuetako Prebentzio, Su Itzaltze eta Salbamendu Zerbitzuetan suhiltzaile postuetan egindako zerbitzuak, erakunde horiek halakotzat jo diren aldira

Zerbitzu horiek 9 punturekin baloratuko da gehienez ere, 0,0040 puntu egun oso bakoitzeko.

**9.3.-** Alde batera utzita euskararen ezagutzen gainean 10. oinarrian ezarritakoa, gainerako merezimenduak soilik konputatuko dira eskaerak egiteko epeko azken egunari erreparatuta.

## **10.- EUSKARA.**

**10.1.-** Euskara jakitea merezimendu gisa balioetsiko da lehiaketa fasean, hautaketa prozesuan behar bezala alegatu eta egiaztatutako hizkuntza eskakizunaren araberako.

**Urriaren 16ko 222/2012 Dekretuan** xedatutakoarekin bat etorritik, Erakunde Autonomoak argibideak eskatu ahal izango ditu hautaketa-prozesu honetan parte hartzen duten izangaiek euskararen jakite-maila egiaztatzeko lortutako egiaztagiriei buruz. Hautaketa-prozesu honetan parte hartzeak berekin dakar Erakunde Autonomoari baimena ematea datu horiek Euskara Tituluen eta Ziurtagirien Erregistro Bateratuan (ETZEB) kontsultatzeko, baita aurkeztutako tituluak zein mailarekin parekatuta dauden ere.

**10.2.-** Epaimahai Kalifikatzaileak bost egun balioduneko epea zabalduko du hizkuntz eskakizunak alegatzeko.

Hizkuntz eskakizunak horiek alegatzen diren unetik bertatik hautaketa prozesu honetan antolatutako egiaztatze-proben azken ariketara arte egiaztatuta ahaliko dira.

Hizkuntza eskakizunak agiri hauen bidez egiaztatuta ahal izango dira (azaroaren 9ko 297/2010 Dekretua, 2010eko azaroaren 15eko EHAA, 219. zenbakia):



- a) 2. hizkuntza eskakizunerako:
- Herri Arduralaritzaren Euskal Erakundearen ziurtagiria, 2. hizkuntza eskakizuna edo hortik gorakoa egiaztatu izanarena.
  - Osakidetzaren ziurtagiria, 2. hizkuntza eskakizuna edo hortik gorakoa egiaztatu izanarena.
  - 2. mailako edo hortik gorako ziurtagiria, HABErena.
  - Ertzaintzako 1. HE.
  - Irakaskuntzako 1.HE.
  - Hezkuntzako Langileen Euskara Agiria (HLEA), Hezkuntza, Unibertsitate eta Ikerketa Sailarena.
  - Hizkuntza eskola ofizialetako euskarako 4. maila (ikasketa plan zaharrean).
  - Hizkuntza eskola ofizialetako maila aurreratua.
- b) 1. hizkuntza eskakizunerako:
- Herri Arduralaritzaren Euskal Erakundearen ziurtagiria, 1. hizkuntza eskakizuna edo hortik gorakoa egiaztatu izanarena.
  - Osakidetzaren ziurtagiria, 1. hizkuntza eskakizuna edo hortik gorakoa egiaztatu izanarena.
  - 1. mailako edo goragoko ziurtagiria, HABErena
  - Hizkuntza eskola ofizialetako euskarako 3. maila (ikasketa plan zaharrean).
  - Hizkuntza eskola ofizialetako erdiko maila.

Aplikatzekoa izango da, orobat, apirilaren 3ko 47/2012 Dekretua, euskaraz egindako ikasketa ofizialak aintzat hartzearena eta hizkuntza tituluen eta ziurtagirien bidez euskara maila egiaztatzenetik salbuestearena.

**10.3.-** Izangaiek aurkeztutako informazioan oinarrituta, izangaiek alegatutako tituluak zein hizkuntz eskakizunen parekoak diren argitaratuko du Epaimahai Kalifikatzaileak. Izangaiek titulazio batean oinarrituta alegatutako hizkuntz eskakizuna Epaimahai Kalifikatzailearen arabera, edozein arrazoi dela-eta, ez bada eskatutakoaren parekoa edo homologagarria, alegatutako hizkuntza eskakizuna egiaztatzeko probak egin ahaliko dituzte, nahiz eta eskaeran aukera hori adierazi ez izan.

Epaimahai Kalifikatzaileak erabakiko du hizkuntz eskakizunak egiaztatzeko probak noiz egin, lehiaketa fasean.

Proba horiek borondatezkoak izango dira.

**10.4.-** Hizkuntza eskakizunak egiaztatzeko proben behin-behineko emaitzak argitaratu eta hurrengo egunetik aurrera, izangaiek 5 egun baliodun izango dituzte euskara ariketaren gainean egoki jotzen dituzten erreklamazioak aurkezteko.



Erreklamazioak egiteko epea amaitu eta, halakorik badago, aurkeztu direnak ebatzi ostean, Epaimahaiak proben behin betiko emaitzak argitaratzeko agindua emango du.

**10.5.-** Epaimahai Kalifikatzaileak Arkautiko Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian argitaratuko ditu hizkuntza eskakizunak egiaztatzeako proben emaitzak.

**10.6.-** Euskara maila merezimendu gisa balioetsiko da, gehienez ere 10 punturekin.

Puntuak egiaztatutako euskara mailaren arabera banatuko dira, ondorengo modu honetan:

- 1. hizkuntza eskakizunaren egiaztatzea: 5 puntu.
- 2. hizkuntza eskakizunaren egiaztatzea: 10 puntu.

#### **11.- LANGILEAK HAUTATZEA.**

**11.1. Alegatutako merezimenduak baloratu ondoren.** Epaimahai Kalifikatzaileak Arkautiko Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian argitaratuko ditu ariketak gainditu dituzten izangaien behin-behineko zerrendak, oposizio eta lehiaketa fasean eta euskararen eskuratutako puntuen baturaren arabera ordenatuta, bai eta eskainitako helmugak ere, hutsik dauden lanpostuen kokapen geografikoaren erreferentziarekin.

**Berdinketarik egonez gero, Euskal Funtzio Publikoaren uztailaren 6ko 6/1989 Legearen 27.2 artikularekin eta Gizon eta Emakumeen Berdintasunerako otsailaren 18ko 4/2005 Legearen 20.4 a) artikularekin bat etorritik, emakumeei emango zaie lehentasuna.** subofizial kategorian Erakunde Autonomoaren plantillaren ehuneko 40ko ordezkartza eduki arte; horretarako, eskainitako lanpostu hutsak zein karrerako funtzionarioek betetzen dituztenak hartuko dira aintzat.

Aurreko paragrafoan ezarritakoaren kalterik gabe, berdinketa hausteko lehentasun ordena hurrenez hurren irizpide hauei jarraituz ezarriko da:

- 1) Oposizio fasean puntuaziorik handiena lortu duenaren alde.
- 2) Oposizio faseko lehen ariketan puntuaziorik handiena lortu duenaren alde.
- 3) Oposizio faseko lehen ariketako bigarren proban puntuaziorik handiena lortu duenaren alde.
- 4) Administrazio publikoetan lan egindako denbora luzeena egiaztatu duenaren alde, baldin eta denbora hori lehiaketa aldiari balioztatzen beharrezko merezimendua bada.





Hala eta guztiz ere berdinketarik badago, oraindik, Epaimahai Kalifikatzaileak berdintasun, merezimendu eta gaitasun printzipioen arabera irizpideak erabiliko ditu berdinketa hausteko.

**11.2.-** Arestian aipatutako zerrenda argitaratu eta hurrengo egunetik aurrera, interesdunek 5 egun baliodun edukiko dituzte Epaimahai Kalifikatzaileari lehiaketa faseko eta euskarako puntuazioei eta berdinketa hausteko irizpideei dagokienez egoki jotzen dituzten erreklamazioak aurkezteko, eta izangaiek eskaintako helmugun lehenespene-hurrenkera.

Erreklamazioak egiteko epea amaitu eta haiek ebatzi ostean, gainditu duten izangaien behin betiko zerrenda eskuratutako puntuazioaren arabera hurrenkera, eta Administrazio Batzordeko presidenteari helaraziko dio.

Lehiaketa faseko eta euskarako puntuazioaren inguruan aurkeztutako erreklamazioak aztertzearen ondorioz berdinketarik gertatzen bada, eta lehen aipatutako irizpideak aplikatu behar badira berdinketa hori hausteko, eragindako pertsonen erreklamazioa aurkeztu ahal izango dute 5 egun balioduneko epean, berdinketa hausteko irizpideen aurka.

**11.3.-**Epe hori igaro eta erreklamazioak ebatzi ostean, Administrazio Batzordeko presidentek prestakuntza eta praktika aldirako hautatutako izangaien behin-behineko zerrenda argitaratuko du, izangaiena zein lanpostu hutsena, gehi ehuneko 16ko erreserba-kupoarena.

**11.4.-** Hautatutako izangaien behin-behineko zerrenda horretako pertsonen 5 egun balioduneko epea edukiko dute hautaketa-prozesuan parte hartzeko exijitutako ondorengo ziurtagiri hauek aurkezteko:

a) NANaren fotokopia konpultsatua.

b) Deialdian parte hartzeko exijitutako tituluen eta gidabaimenen fotokopia konpultsatua.

c) Zinpeko aitortpena edo hitz ematea, adieraziz ezen ez dagoela ezgaitua eginkizun publikoetan jarduteko, ez dela baztertua izan edozein administrazio publikoren zerbitzutik diziplina espediente baten bidez, eta ez dagoela sartuta abenduaren 26ko 53/1984 Legeak, administrazio publikoen zerbitzura dauden langileen bateraezintasunenak, jasotzen dituen eta ezgaitasuna edo bateraezintasuna dakarten egoeretako batean. Horretarako, izangaiek onartu eta berariazko baimena ematen diote Erakunde Autonomoari Justizia Ministerioan dagozkion konprobazioak egiteko, aurrekari penal garrantzitsuak dauden edo ez jakiteko. Baimen hori ez emateak hautaketa prozesutik kanpo geratzea ekarriko du eta, hortaz, baita amaieran sortuko den kontratazio-zerrendatik ere.

Izangai atzeritarrek Administrazioaren jakinarazpen bat jasoko dute, non zehaztuko baita, duten egoeraren arabera, zer agiri aurkeztu behar duten nahitaez.



Egiaztariak jatorrizkoak edo fotokopia konpultsatuak izango dira, eta fotokopia konpultsatuek, baliozkoak izateko, informazio hau eduki beharko dute: data, konpultsaren arduradunaren izen-abizenak, NANA eta sinadura irakurgarria.

Agiri horiek aurkeztu ezina behar bezala justifikatuz gero, izangaia zuzenbidean onartzen den edozein frogabideren bitartez egiaztatuta ahal izango du betetzen dituela eskatzen diren baldintzak.

Adierazitako epearen barruan, ezinbesteko kasuetan salbu, agiriak aurkezten ez dituztenak, edo haiek aztertzean agertzen bada ez dutela betetzen 2. oinarrian adierazitako betekizunen bat, hautaketa-prozesutik kanpo geratuko dira, eskabidean datu faltsuak emateagatik legokiekeen erantzukizunaren kalterik gabe.

**11.5.-** Aldi berean eta web orri berean, behin-behinean hautatutako izangaiek suhiltzaile funtzioetarako egiaztatu beharreko gaitasun funtzionala egiaztatzeko egin beharreko proba fisiko-psikikoetarako eguna, lekua eta ordua adieraziko dira.

Probak Polizia eta Larrialdietako Euskal Akademiako Prebentzio eta Laneko Osasun Zerbitzuak egingo ditu, eta oinarri hauetako I. eranskineko betekizunak eta bazterketak egiaztatzeko behar beste proba kliniko edo analitiko osagarri egin ahalgo dira.

Probak egin aurretik, egin beharreko proben berri emango zaie izangaiei, eta dagokion baimena sinatu beharko dute; datuak eta proben emaitzak isilpean gordetzea bermatuko da.

Probetarako baimena ez emateak hautaketa-prozesutik kanpo geratzea ekarriko du.

Suhiltzaile funtzioetarako "Ez gai" diren izangaia hautaketa-prozesutik kanpo geratuko dira.

**11.6.-** Adierazitako dokumentazioa aurkezteko epea amitu eta gaitasun fisiko-psikikoko probak egin ondoren, Administrazio Batzordeko presidentek agindu bat emango du, zeinaren bidez argitaratuko baita Arkautiko Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian prestakuntza eta praktika faserako hautatutako izangaiei behin betiko zerrenda, helmuga-lehenespenen behin-behineko banaketarekin batera.

Zerrenda horretan, deialdiko lanpostu hutsak beste izangai bakarrik egongo dira. Behin betiko hautatutako izangaiei nortasuna zehazteko, ondorengo irizpide hauek aplikatuko dira:

1.- Onartutako izangaiei behin betiko zerrendako puntuazioa.

2.- Hautaketa-prozesuko lanpostu hutsekin lotutako helmugen inguruko lehenespenak.



3.- Hizkuntz eskakizunaren egiaztatzea, derrigorrezko hizkuntz eskakizuna duten lanpostuetara hautatu bada.

Adierazitako lehenespenen arabera, helmuga bakoitzean derrigorrezko hizkuntz eskakizuna duten lanpostuak esleituko ditu Epaimahai Kalifikatzaileak lehenik eta behin, hizkuntz eskakizuna betetzen duten izangaiekin, puntuazioaren hurrenkeran hierarkikoari jarraituz, eta, ondoren, gainerako lanpostuak esleituko ditu.

Helmugen argitalpen horrek ez du inolako eskubiderik ezartzen, ezta helmuga-espektatibarik kontsolidatzen ere; izan ere, prestakuntza eta praktika aldia amaitu eta gainditu ondoren, euren lanpostuez jabetzen direnean, esleituko zaie karrerako funtzionario berriei euren lanpostua, euren helmuga-lehenespenen, hautaketa-prozesuan eskuratutako hurrenkeraren eta lanpostuen zerrendetan lanpostu bakoitzerako ezarritako eskakizun objektiboen arabera. Behin betiko esleipen hori derrigorrezko hizkuntz eskakizuna igarota duten lanpostuekin egingo da berriz ere lehenik eta behin, helmuga bakoitzean, eta, ondoren, derrigorrezko hizkuntz eskakizuna igarota ez duten lanpostuak esleituko dira.

**11.7.-** Lanpostu hutsen bat ez bada betetzen aurreko paragrafoan adierazitako moduan, behin behinean hautatutako izangaiekin zerrenda gehigarri bat argitaratuko da, eta izangai horiek 11.4, 11.5, eta 11.6 oinarrietan aurreikusitako prozedura errepikatuko dute. Prozedura hori behar beste aldiz errepikatuko da, praktika eta prestakuntza aldirako lanpostu hutsak beste behin betiko izangai hautatu arte.

## **12. PRAKTIKA ETA PRESTAKUNTZA ALDIA.-**

**12.1** Behin betiko hautatutako izangaiek sei hilabeteko praktika eta prestakuntza aldia egin beharko dute; nahitaezkoa eta baztertzaila izango da, aldi horretan suhiltzaile funtzioak betetzeko prestakuntza eta praktika lor ditzaten.

Horretarako, Administrazio Batzordeko presidenteak praktiketako funtzionario izendatuko ditu izangai horiek.

### **12.2. Prestakuntza aldia.**

Izangaiek gehienez ere 4 hilabeteko prestakuntza ikastaro bat gainditu beharko dute Arkautiko Polizia eta Larrialdietako Euskal Akademian; ikastaro horren xedea izango da suhiltzaile lanbidearekin lotutako gai orokorrak eta bereziak ikasi eta horietan trebatzea.

Akademia horretan edo beste herri administrazioetako Sute Zerbitzuek eskainitako suhiltzaile ikastaro espezifikoko bat gainditu duten izangaiak aurreko paragrafoan aipatutako ikastaroa egitetik erabat edo partzialki salbuetsita geratu ahalko dira.



Horretarako, egindako ikastaroak, ikastaroen edukia eta horiek gainditu izana egiaztatu beharko dira ezartzen den epean. Aurkeztutako dokumentazioa aztertu ondoren, izangaia ikastarotik erabat edo partzialki salbuetsita dagoen zehaztuko du Arkautiko Polizia eta Larrialdietako Euskal Akademiak, eta partzialki salbuetsita badago, izangaia prestakuntza osatzeko zer prestakuntza modulu egin behar dituen.

Prestakuntza aldia (berdin ikastaro osoa edo egiaztatu edo homologatu gabeko moduluak egin behar badira) baztertzaila izango da, eta modulu guztien eta bakoitzaren ebaluazioa gainditu beharko dira ikastaroaren amaieran. Prestakuntza aldia “Gai” edo “Ez gai” baloratuko da.

Prestakuntza aldia ez gainditzeak praktiketako funtzionario izateari uztea ekarriko du, eta izangaia karrerako funtzionario izendatzeko eskubide guztiak galduko ditu.

Prestakuntza aldian, praktiketako funtzionarioek suhiltzaile-gidari lanpostuari dagozkion oinarriko ordainsariak jasoko dituzte.

### **12.3. Praktika aldia.**

Prestakuntza ikastaroa egiteki salbuetsita dauden izangaia foru parkeetara bidaliko dituzte, zerbitzuaren beharren arabera, suhiltzaile-gidari lanpostuetarako praktika aldia egiteko, eta lanpostu horri dagozkion ordainsariak jasoko dituzte.

Prestakuntza aldia osorik edo partzialki egin behar duten izangaia foru parkeetako suhiltzaile-gidari lanpostuetara bidaliko dituzte ikastaroa amaitutakoan, zerbitzuaren beharren arabera, suhiltzaile-gidari lanposturako “Gai” kalifikazioa lortuz gero, 6 hilabeteko aldia osatu arte praktika aldia egiteko.

Praktika aldia gainditzeko, beharrezkoa izango da aldi horretako presentzia-orduen erdiak, gutxienez, betetzea lanpostuan.

Ebaluazio Batzorde batek ebaluatu eta kalifikatuko du praktika aldia, eta Kalifikazio Epaimahaiarentzat ezarritako funtzionamendu-arau berberak edukiko ditu. Ondorengo hauek osatuko dute Ebaluazio Batzordea:

Presidentea:

Erakunde Autonomoaren Su Itzaltze Zerbitzuko burua.

Bi kide:

- Erakunde Autonomoaren Giza Baliabide eta Administrazio Kudeaketa burua.



- Erakunde Autonomoko karrerako funtzionario bat, Erakunde Autonomoko subofizial kategoriakoa.

Ondorengo irizpide hauek erabiliko dira balorazioa egiteko:

a) Izangaiak agertutako hurrengo hauetarako gaitasuna:

- Lanerako gaitasuna eta errendimendua.

- Erantzukizun-sena eta eraginkortasuna.

- Ikasteko gogoia, jarrera edo ekimena.

b) Izangaiak agertutako hurrengo hauetarako ahalmena:

- Lanera egokitzeko eta lan-taldean integratzeko.

- Kanpo eta/edo barne harremanak egokitzeko.

- Arrisku, stress, ezusteko, anabasa eta abarretara egokitzeko.

Kontzeptu horiek guztiak baztertzailak izango dira, eta "Gai" edo "Ez gai" kalifikatuko dira.

Praktika aldian zehar eta hura amaitu baino lehen, Ebaluazio Batzordeak aldi horren gaineko behin-behineko ebaluazio bat egingo du, eta horren emaitza interesdunari jakinaraziko zaio, ezezkoa bada. Praktika aldia amaitutakoan, azken ebaluazioa egingo da.

Praktika aldia ez gainditzekotan, praktiketako funtzionario izateari utziko zaio eta izangaiak galdu egingo ditu karrerako funtzionario izendatua izateko eskubide guztiak, Administrazio Batzordeko presidentearen foru agindu arazoitu baten bidez.

### **13.- KARRERAKO FUNTZIONARIO IZENDATZEA ETA LANPOSTUAZ JABETZEA.**

Ebaluazio Batzordeak prestakuntza eta praktika aldia gainditu duten izangaien zerrenda helaraziko dio Administrazio Batzordeko presidenteari, karrerako funtzionario izendatzeko proposamen gisa, deialdi honetako lanpostuetara atxikita, 11.2 oinarrian egindako aukeraren arabera, eta lanpostuak euren helmuga-lehenespenen, hautaketa-prozesuan eskuratutako hurrenkeraren eta lanpostuen zerrendetan lanpostu bakoitzerako ezarritako eskakizun objektiboen arabera esleituko dira. Behin betiko esleipen hori derrigorrezko hizkuntz eskakizuna igarota duten lanpostuekin egingo da berriz ere lehenik eta behin, helmuga bakoitzean, eta, ondoren, derrigorrezko hizkuntz eskakizuna igarota ez duten lanpostuak esleituko dira.



Izendapenak ALHAOn argitaratuko dira. Izendatuek hilabeteko epean hartu behar dute jabetza karrerako funtzionario gisa, izendapena egiten duen foru agindua ALHAOn argitaratzen den egunaren hurrengotik aurrera.

Ezarritako epean jabetza hartzen ez dutenek, eta ezinbesteko kasuetan salbu, galdu egingo dituzte Erakunde Autonomoko karrerako funtzionario izateko eskubideak.

Kasu horretan eta ez bada prestakuntza eta praktika aldia gainditu, Administrazio Batzordeko presidentek prestakuntza eta praktika aldirako behin-behinean hautatutako izangaiei zerrenda gehigarri bat osatuko du, arestian aipatutakoagatik hutsik geratu diren lanpostuen besteko izangaiekin, eta oinarri hauetan aurreikusitako prozedura errepikatuko da.

Zerrenda gehigarri hori Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian argitaratuko da, zerrenda horretako pertsonen eskaera-orrian adierazitako helbidean edo helbide elektronikoan jakinaraztearen katek gabe.

#### **14.- ALDI-BATERAKO LAN POLTSA.**

Ariketak gainditu dituzten izangaiei behin betiko zerrendan egonagatik ere karrerako funtzionario izendapena lortu ez duten pertsonak lan-poltsa bat osatuko dute, zerrenda horretako ordenaren arabera, eta lan-poltsa hori suhiltzaile edo pareko kategoriako aldi baterako beharrei erantzuteko erabiliko da. Lan-poltsa hori Erakunde Autonomoak horretarako ezarriko dituen arauen arabera kudeatuko da, eta utziko ditu ordura arte erabilitako beste edozein lan-poltsa baliogabetuko du.

Aldi baterako behar horiei erantzuteko, deialdi honetan onartuak izateko eskaerak onartzeko epearen amaieran eskakizun guztiak betetzen dituztela egiaztatu beharko dute lan-poltsa osatzen duten pertsonen deia egiten zaienean, bai eta lanpostu bat aldi baterako betetzeko eskaintza egiten denean lanpostu horri dagokionez eska litekeen beste edozein ere.

Hala, Arkautiko Polizia eta Larrialdietako Euskal Akademiak eskaintako ikastaroarekin homologarria den suhiltzaile ikastaro espezifiko bat egin izana eta/edo eskatu ahalko die Erakunde Autonomoak lan-poltsako kideei, aldi baterako lanpostua betetzeko eskaintza egiten dienean, eta/edo onartzen den lan-poltsaren kudeaketa-arauetan aurreikusten den eskarmentu-eskakizunak betetzea.

Halaber, prestakuntza ikastaroa arestian aipatutako Akademian egiteko eskaintza ere egin ahalko du Erakunde Autonomoak, baina horrek ez du ordainsaririk ekarriko.

Azkenik, aldi baterako beharren arabera, oinarri hauetako I. eranskineko bazterketa-arrazoia baztertzeko osasun-azterketak egiteko eta/edo deialdi honetako oposizio faseko bigarren ariketan aurreikusitako pareko



proba fisikoak egiteko deia egin ahalko zaie lan-poltsako pertsonei. Osasun-azterketak ez gainditzeak edo horiek egin nahi ez izateak behin betiko lan-poltsatik kanpo geratzea ekarriko du, eta proba fisikoak ez gainditzeak lan-poltsatik kanpo geratzea, horiek gainditzin ez diren bitartean.

**15.- AZKEN ARAUAK.** Oinarri hauetan aurreikusi gabekoetan, hautaprobak lege-arau hauetan ezarritakoaren arabera egingo dira:

- 5/2015 Legegintzako Errege Dekretua, urriaren 30ekoa, enplegu publikoaren oinarritzko estatutuaren testu bateratua onartzen duena.
- 6/1989 Legea, uztailaren 6koa, Euskal Funtzio Publikoarena.
- 30/1984 Legea, abuztuaren 2koa, Funtzio Publikoa eraberritzeko neurriena.
- 4/2005 Legea, otsailaren 18koa, Emakume eta Gizonen berdintasunerakoa.
- 7/1985 Legea, apirilaren 2koa, Toki Araubidearen Oinarriak arautzen dituena.
- 39/2015 Legea, urriaren 1ekoa, Administrazio Publikoen Administrazio Prozedura Erkidearena.
- 40/2015 Legea, urriaren 1ekoa, Sektore Publikoaren Araubide Juridikoarena.
- 15/1999 Lege Organikoa, abenduaren 13koa, Datu Pertsonalen Babesarena.
- Langileak Estatuaren Administrazio Orokorren zerbitzura sartzeko, Estatuaren Administrazio Orokorreko lanpostuak hornitzeko eta funtzionario zibilen sustapen profesionalerako Arautegi Orokorra, martxoaren 10eko 364/1995 Errege Dekretuaren bidez onartua.
- Toki araubidean indarrean dauden lege xedapenen testu bateratua, apirilaren 18ko 781/1986 Legegintzako Errege Dekretuaren bidez onartua.
- 86/1997 Dekretua, apirilaren 15ekoa, Euskal Autonomia Erkidegoko administrazio publikoetan euskararen erabilera normalizatzeko prozesua arautzen duena.
- 10/1998 Foru Araua, martxoaren 31koa, Arabako Foru Administrazioan eta Arabako Lurralde Historikoan euskararen erabilera normalizatzeari buruzkoa.
- 297/2010 Dekretua, azaroaren 9koa, euskararen ezagutza egiaztatzen duten titulu eta ziurtagirien baliokidetzak finkatu eta Hizkuntzen Europako Erreferentzia Marko Bateratuko mailetara egokitzen dituena.



— 47/2012 Dekretua, apirilaren 3koa, euskaraz egindako ikasketa ofizialak aintzat hartzearena eta hizkuntza tituluen eta ziurtagirien bidez euskara maila egiaztatzenetik salbuestearena.

#### **16.- DEIALDIAREN AURKA EGITEA**

Interesdunek deialdiaren, oinarrien, haien ondoriozko administrazio egintza guztien eta epaimahai kalifikatzailearen jardunaren aurka egin dezakete, urriaren 1eko 39/2015 Legeak, administrazio publikoen administrazio prozedura erkidearenak, eta uztailaren 13ko 29/1998 Legeak, administrazioarekiko auzien jurisdikzioa arautzen duenak, jasotzen dituzten kasu eta eretan.



**I. ERANSKINA****MEDIKUNTZAKO BAZTERKETEN TAULA.****LEHEN ZATIA: «ANTROPOMETRIA»**

1.- Gorputz masaren indizeari (GMI) dagokionez, baztertu egingo dira 28tik gorako indizea badute eta koipetan %23 baino gehiagokoa badute gizonezkoen kasuan eta emakumezkoetan %31 baino gehiagokoa badute.

Hori guztia inpedantzia bioelektrikoaren bitartez egingo da. GMI formula honekin lortuko da:

**Formula**

$$\text{I.M.C.} = \frac{\text{Peso (en Kg.)}}{\text{Talla 2 (en metros)}}$$

Pisua barruko arropa jantzita neurtuko da.

**BIGARREN ZATIA: «OSASUN AZTERKETA»****A.- Bazterketa orokorra.**

1.- Prebentzio eta Laneko Osasun Zerbitzuko medikuaren iritziz, suhiltzaile funtzioa betetzeko mugak jartzen dituzten gaixotasun, sindrome eta gorputz-akatsak izatea.

Era berean, alterazio horiek baztertzeko arrazoitzat jo ahal izango dira hautaketa-prozesuaren edozein alditan agertzen direla ere.

2.- Inguruabarreko baztertzetat joko dira, azterketa egiterakoan bazterketa-taulan sartuta egon arren, bidezko tratamendu mediku-kirurgikoaren bidez zuzen daitezkeen gaixotasun eta lesio aktiboak. Kasu horietan, osasun zerbitzuko medikuek beste epe bat jarri ahal izango dute, ikasturtea hasi aurretik, izangaiaren osasun-egoera egiaztatzeko. Hori egin ondoren, inguruabarreko baztertze-arrazoiak desagertu diren ziurtatuko du.

**B.- Ikusmena.**



3.- Zuzenketarik gabeko begi-zolitasuna: ez da ikusmen arruntaren 6/10 baino txikiagoa izango begi bakoitzean.

4.- Ikusmen-eremuaren murrizketa aipagarriak.

5.- Koloreak ikusteko alterazioa, Prebentzio eta Laneko Osasun Zerbitzuko medikuaren iritziz suhiltzaile funtzioa oztopatzen duena.

6.- Bestelako oftalmologia prozesuak, Prebentzio eta Laneko Osasun Zerbitzuko medikuaren iritziz suhiltzaile funtzioa oztopatzen dutenak.

#### C.- Entzumena.

7.- Entzumen-zolitasuna (entzuteko protesirik gabekoa).

7.1. Estapedektomiagatiko otoesklerosi-kirurgia osasun aurrekariak.

7.2. Patologia neurosensoriala, entzumen-zolitasun binauralaren galtzea gutxienez %20 bada, ondorengo formularen arabera ikusita.

##### Formula

$$\%pérdida\ binaural = \frac{(5 \times \%pérdida\ oído\ mejor) + \%pérdida\ oído\ peor}{6}$$

7.3. Edozein belarritan %20tik gorako entzumen-zolitasun monoauralaren galtzea, ondorengo formularen arabera ikusita.

##### Formula

$$\%pérdida\ monoaural = \left( \frac{\bullet\ pérdidas\ dB\ en\ 500,\ 1000,\ 2000\ y\ 3000}{4} - 25 \right) \times 1,5$$

7.4. Alde bat kaltetua; 500, 1000 eta 2000 Hz batez bestekoa belarririk onenean 25 dB baino gutxiago eta belarririk okerrean 60 dB baino gehiago bada.



7.5. Alde bat kaltetua; elkarren ondoko bi frekuentzietan batez bestekoa 45 dB-ko elkarren arteko asimetria aurala.

8.- Zorabio sindromea.

9.- Bestelako otorrinolaringologia prozesuak, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten dutenak.

**D.- Nerbio-sistema.**

10.- Hitz-toteltasuna, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten duena.

11.- Epilepsia zein gaixotasun horren aurrekariak. Fixatu gabeko konbultsioak. Edozein etiologiako dardara.

12.- Mugimendu-urritasuna.

13.- Bestelako neurologia prozesuak, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten dutenak.

**E.- Buruko egoera.**

14.- Intoxikazio exogenoa adierazten duten sintomak zein zantzu kliniko biologikoak (Gernuan legez kanpoko droga-metabolitoak antzematea). Tokikomaniak. Alkoholismoa.

15.- Bestelako buru nahaste eta jokabide nahasteak, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten dutenak.

F.- Lokomozio-aparatua.

16.- Suhiltzaile funtzioetarako beharrezko edozein artikulazioren mugatze funtzionala.

17.- Suhiltzaile funtzioak mugatzen dituzten bizkarrezurreko arazoak.

18.- Aparatu lokomotoroko beste edozein prozesu, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten duena.

**G.- Sistema kardiozirkulatoria.**



19.- Gabezia kardiakoa. Gabezia kardiako bihur daitezkeen gaixotasun kardiakoak.

20.- Arritmia kardiako larriak.

21.- Sendagaien bidezko tratamendua eskatzen duen arterietako hipertentsioa.

22.- Gorputz-adarretako zainen zirkulazioaren eta zirkulazio linfatikoaren arazo kronikoak, suhiltzaile funtzioa betetzea eragozten dutenak.

23.- Aparatu kardiozirkulatorioko beste edozein arazo, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten duena.

#### **H.- Giltzurrunen sistema.**

24.- Giltzurrunetako gabezia. Giltzurrunen gabezia bihur daitezkeen giltzurrunetako gaixotasunak.

25.- Beste giltzurrun-arazo batzuk, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten dutenak.

#### **I.- Arnas aparatua.**

26.- Arnas gaixotasunak, eragin iraunkorra edo aldi behingoa dutenak arnas funtzioan.

27.- Bronkioetako asma, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten duena.

28.- Bat-bateko pneumotoraxa (behin baino gehiagotan), ondoren zuzenketa kirurgikoa egin denean salbu.

29.- Tuberkulosi aktiboa (tratamendua jasotzen egon arren).

30.- Arnas aparatuko beste edozein prozesu, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten duena.

#### **J.- Digestio-aparatua.**

31.- Edozein bilakabide-sasoitako hepatopatiak.



32.- Hesteetako handitze-gaixotasun kronikoak.

33.- Erresezioak digestio-hodiko edozein zatitan (apendizetomia salbu), suhiltzaile funtzioa betetzea eragozten dutenak.

34.- Beste edozein digestio-patologia, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten duena.

#### **K.- Dermatologia.**

35.- Orban erretraktilak edo zereginak mugatzen dituen beste edozein lesio.

36.- Beste edozein arazo dermatologiko, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten duena.

#### **L.- Hematologia.**

37.- Odoleko eta organo hematopoietikokoetako gaixotasunak, kronikoak edo progresiboak, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten dutenak.

#### **M.- Zenbait patologia.**

38.- Diabetes mellitusa.

39.- Prozesu neoplasikoak.

40.- Gaixotasun immunologiko eta erreumatologikoak.

41.- Gaixotasun infekzio-kutsagarriak.

42.- Beste edozein prozesu patologiko, Prebentzio eta Laneko Osasun Zerbitzuko medikuaren iritziz suhiltzaile funtzioa betetzea eragozten duena.



## II. ERANSKINA

### Gai orokorrak

1. gaia.- Espainiako Konstituzioa: Eskubideak eta Askatasunak (I. Titulua, II. Kapituluak, 14. art.), Oinarriko eskubideak eta askatasun publikoak (I. Titulua, II. Kapituluak, 1. Atala, 15-29 art.), Foru Lurraldeen Eskubide Historikoak (Lehenengo xedapen gehigarria).
2. gaia.- Euskal Herriko Autonomia Estatutua: Eusko Legebiltzarra, Eusko Jaurlaritzaren eta Lehendakaria (Euskal Herriko Autonomia Estatutuaren abenduaren 18ko 3/1979 Lege Organikoaren II. Titulua, I. eta II. kapituluak).
3. gaia.- Estatuaren eta Euskadiren arteko Ekonomia Ituna: Lurralde Historikoetako Erakundeen Eskumenak (Euskal Autonomia Erkidegoko Ekonomia Ituna onartzen duen maiatzaren 23ko 12/2002 Legearen Eranskinaren 1. art., apirilaren 21eko 7/2014 Legeak emandako idatzian).
4. gaia.- 27/83 Legea, azaroaren 25ekoa, Autonomia Erkidego Osorako Erakundearen eta bertako Lurralde Historikoetako Foru Erakundearen arteko harremanei buruzkoa: Autonomia Erkidego Osorako Erakundearen eskumenak (6. artikulua). Lurralde Historikoen eskumenak (7, 8, 9 eta 10. art.).
5. gaia.- 1983ko martxoaren 7ko Foru Araua, Arabako Lurralde Historikoaren Erakunde Antolaketari buruzkoa (Atariko Titulua, I, II, III, eta IV tituluak). 52/1992 Foru Araua, abenduaren 18koa, Arabako Foru Aldundiaren Antolaketa, Funtzionamendu eta Araubide Juridikoari buruzkoa (Atariko Titulua eta I. Titulua, II. Tituluko I. eta II. atalak, III. Tituluko I, IV eta V atalak).
6. gaia.- Foru erakunde autonomoak: xedapen orokorrak eta foru erakunde autonomoak (15/1987 Foru Araua, urriaren 30ekoa, Ekonomia Jardueren eta Foru Zerbitzu Publiko Deszentralizatuen Kudeaketari buruzkoa, I. eta II. tituluak). Arabako Foru Suhiltzaileak Erakunde Autonomoa (8/2016 Foru Araua, uztailaren 13koa, Arabako Foru Suhiltzaileak Erakunde Autonomoa eratzen duena).
7. gaia.- Arabako Lurralde Historikoko Ikurrak: Bandera, armari heraldikoa, izen ofiziala. (61/1989 Foru Araua, azaroaren 20koa, Arabako Lurralde Historikoaren izen ofizialarena; 14/1993 Foru Araua, maiatzaren 5ekoa, Arabako Foru Aldundiaren banderari, armariari eta komunikazio logotipoari buruzkoa).
8. gaia.- Udalerriak, 2/2016 Legea, apirilaren 7koa, Euskadiko Toki Erakundeei buruzkoa: Udalerria eta toki-autonomia (8. eta 9. art.). Eskumen propioak (17. art.).
9. gaia.- Kuadrillak (63/1989 Foru Araua, azaroaren 20koa, Kuadrillei buruzkoa- I, II, III eta IV tituluak).
10. gaia.- Kontzejuak (11/1995 Foru Araua, martxoaren 20koa, Arabako Lurralde Historikoko Kontzejuak buruzkoa, I, II, III tituluak).
11. gaia.- 39/2015 Legea, urriaren 1ekoa, Administrazio Publikoen Administrazio Prozedura Erkidearena: Xedea eta aplikazio-eremu subjektiboa (1. eta 2. art.). Interesduna: jarduteko gaitasuna, kontzeptua eta ordezkaritza (3., 4. eta 5. art.). Administrazio Publikoek agiriak ematea (26. art.). Epe-mugak eta epeak: epeen zenbaketa (30. art.).
12. gaia.- 6/1989 Legea, uztailaren 6koa, Euskal Funtzio Publikoari buruzkoa: Xedea eta aplikazio eremua (1. eta 2. art.). Lanpostu-zerrendak (II. Titulua, I. Kapituluak). Aurrekontu plantillak (II. Titulua, II. Kapituluak). Lan Eskaintza Publikoa (II. Titulua, III. Kapituluak). Administrazio-karrera: Lanpostuak betetzea, barne-sustapena eta mugikortasuna (III. Titulua, IV. Kapituluak, Hirugarren, Laugarren eta Bosgarren atalak).
13. gaia.- 5/2015 Legegintzako Errege Dekretua, urriaren 30ekoa, Enplegatu Publikoaren Oinarriko Estatutuaren Legearen Testu Bategina onesten duena: Administrazio egoerak (VI. Titulua).
14. gaia.- Gizonen eta emakumeen arteko berdintasuna (4/2005 Legea, otsailaren 18koa, emakumeen eta gizonen arteko berdintasunerakoa: Atariko Titulua eta Lehenengo Titulua).
15. gaia.- Suteen Prebentzio eta Itzalketa eta Salbamendu Zerbitzuak (Larrialdiak Kudeatzeko apirilaren 3ko 1/2017 Legearen V. Kapituluak).
16. gaia.- Euskadiko Herri Babeseko Plana (LABI): Kontzeptuen definizioa eta larrialdiaren faseak. Euskadiko Lurralde Zibilerako Lurralde Planaren aktibazioa (urtarrilaren 13ko 1/2015 Dekretuaren Eranskina: III. Kapituluak, 1. eta 2. atalak).
17. gaia.- Larrialdiei aurre egiteko euskal sistemaren taktika operatiboak (Eusko Jaurlaritzaren Argitalpen Zerbitzu Nagusia; 2016ko argitalpena, zuzenduta eta zabaldua; ISBN: 978-84-457-2736-2, 13, 14, 15 eta 16 orriak, eta 19, 20, 21, 22 eta 23 orriak).
18. gaia.- Esku-hartzearen lege-alderdiak: Erantzukizunak, betebeharrak eta eskubideak (Suhiltzaileen Eskuliburua, 5.3 liburukia -[1 oharra](#)-).
19. gaia.- 400/2013 Dekretua, uztailaren 30ekoa, Euskal Autonomia Erkidegoan artifizio piroteknikoak erabiltzen dituzten ikuskizunei buruzkoa (EHAA, 147 zk., 2013ko abuztuaren 2koa, 1-8. art.).



**III. ERANSKINA**  
**Geografia**

19. gaia.- Foru Izendegia: Kuadrillak, Udalerriak, Kontzejuak eta Herriguneak.

20. gaia.- Arabako Geografia eta Geomorfologia: Orografia (mendiak, ibaiak eta urtegiak), bide-sarea (udalerriak, eskualdeak, industrialdeen kokapena, elementu historiko-artistikoak, natura-guneak, tokiko parkeak eta interes turistikoa duten lekuak, eta komunikazio-bideak eta horien sailkapena) eta Arabako udalerrien demografia.



#### IV. ERANSKINA

##### Gai espezifikokoak

21. gaia.- Erreskatea trafiko-istripuetan: Trafiko istripuetan norbera babesteko tresneria. Askaizeko tresna eta materialak (Suhiltzaileen Eskuliburua; 1.1 liburukia -1 oharra-).
22. gaia.- Suteen kontrako printzipioak (Suhiltzaileen Eskuliburua; 2.1 liburukia 1 oharra-).
23. gaia.- Basoetako suteak: Sutea landaretzan. Basoetako suteen dinamikan eta hedapenean laguntzen duten faktoreak (Suhiltzaileen Eskuliburua; 2.3 liburukia -1 oharra-).
24. gaia.- Suteen prebentzioa (Suhiltzaileen Eskuliburua; 2.4 liburukia 1 oharra-).
25. gaia.- Arrisku naturalak: Arrisku naturalen tipologia (Suhiltzaileen Eskuliburua; 3.1 liburukia -1 oharra-).
26. gaia.- Arriskua, gai arriskutsuak tartean dauden istripuetan (Suhiltzaileen Eskuliburua; 3.2 liburukia - 1 oharra-).
27. gaia.- Banaketa-sareak eta instalazioak (Suhiltzaileen Eskuliburua; 3.3 liburukia -1 oharra-).
28. gaia.- Eraikuntza-printzipioak eta egiturak egonkortzea (Suhiltzaileen Eskuliburua; 3.4 liburukia 1 oharra-).
29. gaia.- Arnas babeserako ekipoa: Suteen toxikotasuna eta arnasketarako arriskuak. Arnasbideak babesteko ekipoen sailkapena. Aire kontsumoen kalkulua (Suhiltzaileen Eskuliburua; 4.1 liburukia -1 oharra-).
30. gaia.- Sua itzaltzeko baliabideak. Operazio eta instalazioak, hodi malguekin: lantzak, hodi malguak, errakoreak, su-itxalgailu eramangarriak (Suhiltzaileen Eskuliburua; 4.2 liburukia 1 oharra-).
31. gaia.- Ponpak. Suhiltzaileentzako oinarritzko hidraulika (Suhiltzaileen Eskuliburua; 4.3 liburukia 1 oharra-).
32. gaia.- Tresna eta ekipoen erabilera (Suhiltzaileen Eskuliburua; 4.5 liburukia 1 oharra-).
- 1 oharra.- Dokumentu hau Enplegu Eskaintza Publikoaren -foru suhiltzaileak- atalean dago ikusgai (<http://www.araba.eus/>).





#### IV. ERANSKINA

##### Proba fisikoak

Epaimahai Kalifikatzaileak zehaztuko ditu probak egiteko jarraibide osagarriak, denboraren neurketaren, proben grabaketaren, izangaien identifikazioaren xehetasun osagarrien eta abarren ingurukoak.

##### 1. PROBA: COURSE NAVETTE

Deskribapena: Izangaia marra baten atzean jarriko da, eta soinu-seinalea entzutean hasiko da proba. Lasterka egin beharko du, beste aldeko marra (20 metrora) zapaldu arte, eta beste seinale bat entzun arte itxoin beharko du lasterketa jarraitzeko. Sekuentzia hori probak iraun bitartean errepikatuko da.

Lasterketaren erritmoa tarte erregularrez soinu egingo duen audio-gailu baten bitartez erregulatuko da.

Neurketa: Lehen abisu bat emango zaie izangai guztiei, baldin:

- Lehiakideren batek ez badu marra audio-gailuak seinalatutako unean zapaltzen.
- Soinu-seinaleak markatzen duen erritmoaren aurretik badoa.
- Marra zapaldu gabe aldatzen badu noranzkoa.
- Bira zirkularak egiten baditu, marraren gainean pibotatu ordez.

Adierazitako arrazoi horietako edozeinengatik bigarren abisu bat eman behar izanez gero, proba bukatutzat joko da.

Antolaketa arrazoiengatik edo arrazoi teknikoengatik ariketa bertan behera geratzen bada, gehienez ere 24 ordu atzeratuko da ariketa. Lan Eskaintza Publikoa -suhiltzaileak- atalean jaitsi ahalko da probaren audioa (<http://www.araba.eus>).

Proba gainditzeko, izangaiek 8,5aldi egin beharko dituzte, ondorengo taularen arabera:

Aldia	Luzeak	Luze metatuak
0	0	0
0.5	4	4
1	3	7
1.5	4	11
2	4	15
2.5	4	19
3	4	23
3.5	4	27
4	4	31
4.5	5	36
5	4	40
5.5	5	45
6	4	49
6.5	6	55
7	4	59
7.5	6	65
8	4	69
8.5	6	75

##### 2. PROBA: IGERIKETA (100 metro)

Igerileku ertzean zutik jarrita, uretara jauzi egingo beharko du izangaia seinalea entzutean, eta 100 m (25 metroko lau luze) egin beharko ditu igerian.

Igerilekuaren erdian bi metroko luzerako eremu bat mugatuko da kortxoekin, eta ur azpitik zeharkatu beharko da.



Proban zehar estiloa aldatzeko aukera egongo da. Irteera izan ezik, ezingo da oinekin igerilekuaren hondoa ukitu, ez eta hormari edo kortxoei heldu ere, atsedean hartzeko. Urpekaritza gunean, ezingo da ur-lamina gorputzaren edozein zatirekin hautsi.

Era berean, izangaiak aztertzaileak ikusteko moduan ukituko du horma bira ematerakoan, eta laugarren luzearen ondoren horma ukitutakoan amaituko da proba.

Irteera baliogabea bada, irteera baliogabea egin duena bakarrik geldiaraziko da. Serie guztiak amaitutakoan, azken serie bat egingo da irteera baliogabea egin duten izangaiekin. Bi irteera baliogabe egiten dituen izangaia kanpoan geratuko da.

Ez da onartuko urpekaritzako elementurik, igerilekurako betaurrekoak izan ezik; nahitaezkoa izango da txanoa erabiltzea.

Izangaiek 130,0 segundo baino gutxiagoan osatu behar dute ibilbidea proba gainditzeko.

### 3. PROBA: ZIRKUITUA

Proba hau hainbat estazio gainditzean datza, gainditzeko behar den guztizko denbora kontrolatuta. Izangaiak berriz hasi behar badu estazioen bat, denbora ez da etengo.

**MANIOBRA-DORREA:** izangaiak 6 kg inguruko bi pisu hartuko ditu, eta lasterketa bertikalean eramango ditu ezarritako ibilbidean. Ezarritako kotara bi hankekin iritsitakoan, eramandako pisuekin itzuliko da. Ibilbidea amaitutakoan, hartutako leku eta posizio berean utziko ditu pisuak. Epaimahaiak erabaki ahalko du ibilbidearen erdian izangaiak pisuak itxura, tamaina eta pisu bereko beste pisu batzuen ordez aldatzea.

**KARELA:** maniobra-dorrea amaitu ondoren, trantsizio-tartea bat osatuko du izangaiak, karel izeneko oztoporaino; karela 2,03 m-ko alturako horma baten simulazioa da. Izangaiak goiko ertza gainditu behar du, mugatutako eremuaren gainetik.

**OREKA:** aurreko estazioa gaindituta, izangaiak trantsizio-tartea osatuko du izangaiak, 10 cm inguruko zabalera oreka-barra bateraino; bertan, oinez osatu beharko du 4,30 m-ko goranzko distantzia, lurretik bi muturretako altura-desberdintasunaren arabera, 1,2 metro eta 1,45 metrokoa, hurrenez hurren. Berrogeita hamar (50) cm-ko zabalera atal inklinatu bat egongo da, barara igotzeko. Ibilbidea amaitutakoan, hasieraren kontrako muturrean dagoen koltxonetara jaitsiko da. Izangaia barratik erortzen bada, helmuga ez den lekuren batean jaisten bada edo eskuekin laguntzen bada barraren lekuan, berriz hasi beharko du estazioa.

**LEKU TXIKIAK:** argirik gabeko hodi estua izeneko estaziora joango da izangaia; 0,50 m inguruko sekzio zirkular bat edukiko du, eta bertan sartu eta 12 metro inguruko luzera osatu beharko du, barrutik, herrestatuz. Izangaiak bertatik irteteko laguntza eskatzen badu, kanporatuta geratuko da eta ezingo du zirkuituaren gainerako zatia egin.

**HONDAKIN-KENTZEA ETA MATERIAL-JARTZEA:** izangaiak hondakin-kentzea izeneko bi elementuko hurrengo estaziora arteko trantsizio-distantzia osatuko du. Lehenengo elementua 2 m-ko luzerako, 0,50 m-ko zabalera eta 0,30 m-ko altuerako kaxoi bat da, gutxi gorabehera, eta 6 objektu ditu gainean, 15 k ingurukoak. Bigarren elementua 1,6 m inguruko altuerako eta 2 m inguruko zabalera apal bat da.

Izangaiak banan-banan jasoko ditu objektuak, eta letik 6ra arteko ordenari jarraituta, zenbakiaren arabera dagokion tartean utzi, apalean.

Objektu guztiak apaletan jartzen amaitutakoan, kontrakoa egingo du: objektuak berriz ere kaxoian utzi, ordena berari jarraitu (letik 6ra); orduan amaituko da estazioa.

Objekturen bat erortzen bada, edo adierazitako lekutik kanpo edo adierazitakoa ez den ordenan jartzen badira, kanporatuta geratuko da.

**BIKTIMEN ERRESKATEA:** izangaiak hurrengo estaziora arteko trantsizio-tartea osatuko du eta, bertan, 75 k eta 1,70 m-ko altuerako maniki bat 20 metro inguru arrastatu beharko du, 10 metroko bi zatitan, ondorengo exekuzio-sekuentziaren arabera.

Manikia lurrean egongo da, inguru mugatu batean ahoz gora etzanda. Izangaiak manikia hartuko du eta altxatu egingo du, manikiaren bizkarra bularraldearen kontra jarrita eta galtzarbeetatik helduta, besoak libre utzita. Lurra ukitu gabe garraiatu beharko du, edo manikiaren orpoetan soilik apoiatuta, eta bizkarrez egingo du aurrera, martxaren noranzkoan, 10 m ingurura jarritako seinaleztatze kono bateraino; konoari bira emango dio, noranzkoa



aldatuz, eta manikia hartu duen leku mugatura itzuliko da, manikia bertan hasieran bezala ahoz gora eta irteteko noranzkoan uzteko.

Izangaia kanporatuta geratuko da manikia ez badu adierazi bezala arrastatzen, erori egiten bazaio, eremu mugatutik erabat edo partzialki kanpo, edo aurreko paragrafoan adierazitakoa ez den posizioan uzten badu.

Zirkuitu osoa ezarritako denboran osatzen ez duten izangaiak "EZ GAI" emaitza izango dute, eta eremutik irten beharko dute berehala.

Epaimahai Kalifikatzaileak zirkuitua osatzeko gehieneko denbora ezarriko du, eta proba baino hamabost egun lehenago, gutxienez, argitaratuko du Polizia eta Larrialdietako Euskal Akademiaren [www.arkauteakademia.eus](http://www.arkauteakademia.eus) web orrian.

#### 4. PROBA: BERTIGOA

Helburua da izangaiengan alturako lanetarako jokabide arraroak antzematea. Saialdi bakarra egingo da.

Izangaia suhiltzaileen ibilgailuko eskaileratik igoko da, bi oinekin otarraren oinarria zapaldu arte; ondoren, jaisten hasiko da.

Proba izangaia hasiera gisa markatutako lekuan, ibilgailuaren eskaileraren ondoan, zutik dagoela hasiko da, eta hasierako leku horretan bertan zutik geratzen denean amaituko.

Otarra 20 metroko altueran egongo da, gutxi gorabehera, eta eskailerak 70° inguruko inklinazioa edukiko du.

Gehienez ere 5 minutu edukiko dira proba osatzeko.

Izangaia behar bezala aseguratu da proba hasi aurretik.

Bertigo probarako saialdi bakarra egongo da, eta adierazitako gehieneko denboran osatzen ez dutenek "Ez gai" kalifikazioa edukiko dute.